

ZELENI ZAPADNI BALKAN

NAŠA ZAJEDNIČKA EVROPSKA BUDUĆNOST

Regionalni projekat *Akademija "Od Polja do Stola"* za zeleni Zapadni Balkan - Naša zajednička Evropska budućnost uključuje sljedeće zemlje: Albaniju, Bosnu i Hercegovinu, Kosovo*, Crnu Goru, Sjevernu Makedoniju, Srbiju i Hrvatsku. Projekat Akademija Od Polja do Stola – se zajednički implementira od strane porodice nacionalnih mreža za ruralni razvoj (NMRR) u šest zemalja Zapadnog Balkana (ZB-6) i Hrvatskoj i njihove platforme za regionalnu saradnju: Balkanske mreže za ruralni razvoj (BMRR).

Kontekst

Ruralna područja u ZB-6 su veoma važna i ekonomski i demografski. Sektor poljoprivrede i ruralnog razvoja glavna je privredna aktivnost koja ima suštinsku ulogu u društvenom i ekonomskom razvoju regije. Međutim, strukturalna i resursna ograničenja i izazovi ometaju održivu poljoprivredu i ruralni razvoj u regionu. Štaviše, gubici u biodiverzitetu, klimatske promjene i vremenski ekstremi koji utiču na male posjednike širom regiona, zajedno sa velikom fragmentacijom zemljišta, negativno utiču na region i održivost njegovog poljoprivrednog sektora. Šest zemalja ZB-a se suočava sa sličnim izazovima u transformaciji i modernizaciji svojih sektora poljoprivrede i ruralnog razvoja.

Postoji opšta svijest o složenosti i izazovima koje proces reforme agrarnog i ruralnog sektora u pravcu EU integracija predstavlja za mala poljoprivredna gazdinstva. Mali poljoprivrednici suočavaju se s nizom izazova u osiguravanju standarda kvaliteta hrane i zahtjeva za sigurnost hrane, kako bi njihovi proizvodi bili konkurentni na domaćem i međunarodnom tržištu. Ipak, ne postoji dovoljan napredak u sektoru kada je u pitanju zelena tranzicija. S druge strane, poljoprivrednicima nedostaje znanja i vještina koje bi im olakšale prelazak na održive poljoprivredne prakse, uključujući organsku poljoprivredu, bilo da su propustili da prihvate nove tehnike ili da investiraju u pametnu i isplativu mašineriju ili procese.

Šest zemalja ZB-a je u procesu pravnog usklađivanja sa Zajedničkom poljoprivrednom politikom Evropske unije (EU ZPP) i dalje će ulagati napore da se usklade sa mjerama Zelene agende. Iako ovaj proces vode vlade

zemalja Zapadnog Balkana, NMRR-i kao akteri civilnog društva ostaju važni za održivi proces evropskih integracija i trebali bi biti uključeni na svim nivoima u pripremu, implementaciju i praćenje implementacije EU zakonodavstva. Pored svojih stručnosti i znanja, NMRR-i prate i drže odgovornima vlade zalagajući se za ubrzanje reforme i implementaciju EU ZPP politika i gradeći povjerenje u reforme i stvarajući potrebnu podršku javnosti u procesu EU integracija.

Naziv projekta	Akademija "Od Polja do Stola" za zeleni Zapadni Balkan - Naša zajednička Evropska budućnost
Finansira	Evropska Komisija Podrška regionalnim tematskim mrežama organizacija civilnog društva EuropeAid/174154/DH/ACT/Multi Lot 3: Zelena i digitalna tranzicija
Područje	Zemlje Zapadnog Balkana i Hrvatska
Vodeći partner	Albanska mreža za ruralni razvoj
Trajanje	16.01.2023. – 15.01.2027.
Budžet	1,442,183.16 EUR

* Ova oznaka ne prejudicira stavove o statusu i u skladu je sa Rezolucijom SB UN 1244/1999 i mišljenjem Međunarodnog suda pravde o Deklaraciji o nezavisnosti Kosova

Uticaj projekta

Projekat se fokusira na implementaciju procesa EU integracija i približavanja u zemljama ZB-a u sektoru poljoprivrede i ruralnog razvoja kroz unapređenje zelene i pravedne tranzicije u regionu uz doprinos aktera civilnog društva. To će se postići podsticajem boljeg okruženja za organizacije civilnog društva (OCD) i Mreže OCD-a i drugih aktera iz ruralnih sredina da proaktivno doprinesu rješavanju društvenih izazova povezanih s klimatskim promjenama i gubitkom biodiverziteta kroz izgradnju kompetencija koje mogu pomoći poljoprivrednim i ruralnim zajednicama ka zelenoj i pravednoj tranziciji regiona, dok su istovremeno u stanju da održe participativne i odozdo prema gore konsultacije i konstruktivan politički dijalog za ubrzanje procesa reformi u približavanju zajedničkoj poljoprivrednoj politici EU (EU ZPP), posebno usklađivanju sa Zelenim planom EU i strategijom "Od polja do stola".

Kompetencije za društveni uticaj

Akademija "Od polja do stola" će podržati i izgraditi održive kapacitete OCD-a i mreža OCD-a, omogućavajući im da se efikasno suoče sa trenutnim društvenim izazovima. To će se postići kroz pružanje prilagođenih programa obuke koji se fokusiraju na održive sisteme ishrane i sredstava za život. Akademija "Od polja do stola" ima za cilj osnažiti sektor civilnog društva, omogućavajući mu da bolje služi svojim članovima, uključujući poljoprivredne i ruralne zajednice u regiji.

Regionalna Akademija "Od polja do stola" će ponuditi sveobuhvatan program obuke Treninga za Trenere (TzT), ciljajući na predstavnike OCD-a u ZB-6. TzT će pokriti relevantne teme vezane za Strategiju "Od polja do stola". Učesnici treninga za trenere će naknadno prenijeti svoja novostečena znanja na lokalne OCD-e na nacionalnim nivoima u regionu. Dodatno, NMRR-i će pokrenuti nacionalnu kampanju podizanja svijesti o održivom, zelenom i otpornom sistemu ishrane.

Održiva lokalna rješenja

Fond Akademije "Od polja do stola" posvećen je pružanju finansijske podrške OCD-ima i mrežama OCD-a sa fokusom na podršku lokalnim projektima malog obima koje promovišu organizacije civilnog društva o inovativnim, zelenim i inkluzivnim rješenjima za održive sisteme ishrane i sredstava za život. Fond Akademije "Od polja do stola" će podržati NMRR-e u svakoj zemlji Zapadnog Balkana i BMRR u jačanju koalicije i izgradnji kapaciteta za povećani uticaj OCD-a na poljoprivredu i procese ruralnih reformi, dok će Nagrade Akademije "Od polja do stola" služiti kao instrument za uvođenje i promociju održivih rješenja koja se odnose na zaštitu životne sredine i biodiverziteta. Kako bi podstaklo umrežavanje, djeljenje znanja, razmjena dobrih praksi u održivim sistemima ishrane i sredstvima za život, Fond Akademije "Od polja do stola" će organizovati pokazne radionice otvorenih vrata za male grupe mladih farmera pod vodstvom tutora.

Zagovaranje "odozdo prema gore" i programske politike

Osnovni vodeći princip i perspektiva osnivanja NMRR-a u ZB-6 su fokusirani na promovisanje inkluzivnog i participativnog ruralnog razvoja "odozdo prema gore". Procesi participativnih konsultacija ostaju u središtu inicijativa koje poduzimaju NMRR-i kako bi osnažili „odozdo prema gore“, inkluzivan i participativan pristup lokalnom razvoju. U tom smislu, predložene inicijative zastupanja na regionalnom i nacionalnom nivou nastoje da osnaže glas ljudi sa sela i drugih ranjivih grupa kao što su mali farmeri, mladi farmeri, grupe žena proizvođača, šumari itd., i da ih uključe u procese kreiranja politika.

Umrežavanje za održivi ruralni razvoj

Nacionalne mreže za ruralni razvoj na Zapadnom Balkanu i u Hrvatskoj predstavljaju pokretačku snagu u oblikovanju slike ruralnog razvoja u zemljama regiona. NMRR-i, sastavljene od posvećenih lokalnih OCD-a pojavile su se kao katalizatori promjena, zagovarajući interese i težnje ruralnih aktera. NMRR-i se zalažu za inkluzivne, participativne i pristupe ruralnom razvoju odozdo prema gore. Imaju instrumentalnu ulogu u podsticanju saradnje između različitih zainteresovanih strana, uključujući javne institucije, ekonomske i socijalne partnere i predstavnike civilnog društva.

Uspostavljanje Balkanske Mreže za ruralni razvoj (BMRR) dodatno jača njihov regionalni uticaj i razmjenu iskustava. Njihova posvećenost kreiranju politika zasnovanih na dokazima i inicijativama odozdo prema gore pokreću poboljšanja kvaliteta života u ruralnim područjima i ubrzavaju usklađivanje sa standardima Zajedničke poljoprivredne politike EU. Ovaj proaktivni pristup osnažuje lokalne aktere, omogućavajući im da se efikasno angažuju sa vladama i drugim relevantnim ruralnim akterima kako bi oblikovali politike i inicijative održivog ruralnog razvoja.

Izradu ovog dokumenta finansira Evropska unija. Sadržaj je isključiva odgovornost projektnih partnera i nužno ne odražava stavove Evropske unije.

Kontakt:

Email: koordinator@ruralnamreza.ba

Facebook: Farm to Fork Academy

Instagram: farmtoforkacademyproject

#FarmToForkWB #SustainableAgriculture

#GreenInnovation #Farming4Sustainability